

20131874626

L I G J
PËR NDRYSHIMIN DHE PLOTËSIMIN E LIGJIT PËR VEPRIMTARI HOTELIERE

Neni 1

Në Ligjin për veprimtari hoteliere (“Gazeta Zyrtare e Republikës së Maqedonisë” numër 62/2004, 89/2008, 115/10, 53/11 141/12 dhe 164/13), në nenin 17 pas paragrafit 3 shtohet paragrafi i ri 4, si vijon:

“Emri dhe përmbajtja e llojit të objektit hotelier nga neni 16 i këtij ligji, i përcakton ministri i cili menaxhon me organin e administratës shtetërore kompetent për punët nga sfera e hotelierisë.”

Neni 2

Në nenin 18 pika 2 pas fjalës “alpinistësh” shtohen fjalët: “dhe të gjuetisë”.

Neni 3

Në nenin 19 paragrafët 3, 4, 5, 6 dhe 7 shlyhen.

Neni 4

Pas nenit 19 shtohen pesë nene të reja 19-a, 19-b, 19-v, 19-g dhe 19-d, si vijojnë:

”Neni 19-a

Për objektin hotelier për ushqim restaurant nacional-mejhane, organi i administratës shtetërore kompetent për punët nga sfera e hotelierisë lëshon shenjë të posaçme.

Ministri i cili udhëheq me organin e administratës shtetërore kompetent për punët nga sfera e hotelierisë e përcakton formën dhe përmbajtjen e formularit të shenjës, nga paragrafi 1 i këtij neni.

Që të mund ta marrë shenjën nga paragrafi 1 i këtij neni, objekti hotelier duhet t’i plotësoj këto kritere:

1) kategorizim të realizuar në pajtim me nenin 27 i këtij ligji, me afat të pakaluar të vlefshmërisë;

2) oferta për ushqim në listat për ushqim, duhet të jetë në proporcion prej së paku 70% ushqime vendase tradicionale në krahasim me ushqimet internacionale, ndërsa oferta e verës dhe pijeve tjera duhet të jetë në proporcion prej së paku 80% verëra dhe pije të tjera të prodhuara në Republikën e Maqedonisë në krahasim me verëra internacionale dhe pije tjera;

3) gjatë rregullimit të jashtëm dhe të brendshëm të objektit hotelier, të përdoren materiale natyrore, si dhe motive nga kultura vendase tradicionale, instrumente popullore, veshje, orëndienë dhe të ngjashme;

4) veshja e personelit duhet të ketë aplikacione dhe motive nga tradita dhe

5) muzika që do të realizohet në objektin hotelier duhet të jetë burimore me tingull akustik.

Shenja nga paragrafi 1 i këtij neni nuk mund të bartet.

Mënyrën dhe kriteret më të përafërta për marrjen e shenjës nga paragrafi 1 i këtij neni i miraton Qeveria e Republikës së Maqedonisë me propozim të ministrit i cili menaxhon me organin e administratës shtetërore kompetent për punët nga sfera e hotelierisë në afat prej 30 ditësh nga dita e hyrjes në fuqi të këtij ligji.

Neni 19-b

Procedurën për marrje të shenjës nga neni 19-a e zbaton Komisioni për zbatim të procedurës për marrje të shenjës restaurant nacional-mejhane (në tekstin e mëtejme: Komisioni) i përbërë nga pesë anëtarë, që kanë zëvendës.

Komisionin e formon ministri i cili udhëheq me organin e administratës shtetërore kompetent për punët nga sfera e hotelerisë dhe është i përbërë nga një anëtar i organit të administratës shtetërore kompetent për punët nga sfera e hotelerisë, një anëtar nga Ministria e Kulturës, një anëtar nga Kabineti i Zëvendëskryetarit të Qeverisë së Republikës së Maqedonisë i ngarkuar për çështje ekonomike dhe për koordinim me resurse ekonomike, një anëtar nga dhomat turistike dhe një anëtar nga ekonomia hotelierike.

Anëtari i organit të administratës shtetërore kompetent për punët nga sfera e hotelerisë në Komision është edhe kryetar i Komisionit.

Për procedurën e zbatuar Komisioni përpilon aktvendim në afat prej 30 ditësh nga dita e parashtrimit të kërkesës, nëse janë plotësuar kriteret të përcaktuara në pajtim me nenin 19-a të këtij ligji.

Aktvendimi nga paragrafi 4 të këtij neni jepet me vlefshmëri prej tre vjetësh.

Kundër aktvendimit nga paragrafi 4 i këtij neni mund të parashtrohet ankesë te Komisioni shtetëror për vendimmarrje në procedurë administrative dhe procedurë nga marrëdhënia e punës në shkallë të dytë.

Shpenzimet për marrjen e shenjës nga neni 19-a paragrafi 1 të këtij ligji i bart hotelieri.

Lartësinë e shpenzimeve nga paragrafi 7 i këtij neni i përcakton ministri i cili udhëheq me organin e administratës shtetërore kompetent për punët nga sfera e hotelerisë, në bazë të shpenzimeve të bëra reale për punën e Komisionit dhe përpilimin e aktvendimit.

Shpenzimet nga paragrafi 7 të këtij neni paguhen në llogarinë e të hyrave personale të organit të administratës shtetërore kompetent për punët nga sfera e hotelerisë.

Neni 19 –v

Për marrjen e shenjës nga neni 19-a paragrafi 1 i këtij ligji, hotelieri parashtron kërkesë në organin e administratës shtetërore kompetent për punët nga sfera e hotelerisë.

Kërkesës nga paragrafi 1 i këtij neni, i bashkëngjitet:

- 1) aktvendim nga Regjistri Qendror i Republikës së Maqedonisë dhe
- 2) aktvendim për kategorizim të realizuar.

Kërkesa nga paragrafi 2 i këtij neni parashtrohet në dy formularë identikë me një shtojcë të dëshmive.

Formën dhe përmbajtjen e formularit të kërkesës nga paragrafi 1 i këtij neni e përcakton ministri i cili udhëheq me organin e administratës shtetërore kompetent për punët nga sfera e hotelerisë.

Neni 19-g

Organi i administratës shtetërore kompetent për punët nga sfera e hotelerisë mban Regjistër për restorantet nacionale-mejhane.

Ministri i cili udhëheq me organin e administratës shtetërore kompetent për punët nga sfera e hotelerisë i përcakton formën, përmbajtjen dhe mënyrën e mbajtjes së Regjistrit të restoranteve nacionale-mejhane.

Neni 19-d

Shenja nga neni 19-a paragrafi 1 i këtij ligji, hiqet me aktvendim të ministrit i cili udhëheq me organin e administratës shtetërore kompetent për punët nga sfera e hotelerisë, në raste kur bartësi i shenjës pushon t'i plotësojë kriteret të përcaktuara me këtë ligj.

Kundër aktvendimit nga paragrafi 1 i këtij neni mund të parashtrohet ankesë te Komisioni shtetëror për vendimmarrje në procedurë administrative dhe procedurë nga marrëdhënia e punës në shkallë të dytë."

Neni 5

Në nenin 21 pas paragrafit 4 shtohen tre paragrafë të rinj 5, 6 dhe 7, si vijojnë:

“Ministria e Ekonomisë 30 ditë para skadimit të afatit të vlefshmërisë të licencës së dhënë paraprakisht e përkujton bartësin e lejes për periudhën e vlefshmërisë së të njëjtës.

Përkujtimi kryhet përmes dorëzimit të porosisë elektronike në e-mail adresën nga gjendja rrjedhëse e personit juridik.

Përkujtimi mund të kryhet edhe me SMS-porosi, nëse bartësit e licencës kanë dhënë pëlqim paraprak se kjo do të jetë në shpenzim të tyre.”

Neni 6

Në nenin 23 paragrafi 1 pika 1 para fjalës “pushimore” presja zëvendësohet me lidhëzën “dhe”, kurse fjalët: “dhe kampe” shlyhen.

Neni 7

Në nenin 27 paragrafi 1 pas fjalës “alpinistësh” shtohen fjalët: “dhe të gjuetisë”, kurse fjala “shtëpi” shlyhet.

Neni 8

Në nenin 35 paragrafi 1 pika 1 ndryshohet si vijon:

“t’i mirëmbajë hapësirat dhe pajisjen dhe të japë shërbime në objektin hotelier sipas kushteve të përcaktuara minimale teknike, si dhe kushteve për kategorizim për llojet e objekteve për të cilat është paraparë kategorizimi i përcaktuar me aktvendim të Komisionit për kategorizim, ose sipas kriterëve të përcaktuara për shënim të llojeve të posaçme të objekteve hoteliere për të cilat është paraparë dhënia e shenjave të posaçme me aktvendim të dhënësit të shenjës;”.

Neni 9

Në nenin 47 paragrafët 3, 4, 5, 6, 7 dhe 8 shlyhen.

Neni 10

Pas nenit 53 shtohen gjashtë nene të reja 53-a, 53-b, 53-v, 53-g, 53-d dhe 53-gj, si vijojnë:

“Neni 53-a

Për shërbimet e personave fizikë në objektet hoteliere për vendosje në kuadër të amvisërive të fshatit në mjedise rurale, sipas kategorizimit të detyrueshëm jepet shenjë e posaçme.

Shenjën nga paragrafi 1 i këtij neni e jep organi i administratës shtetërore kompetent për punët nga sfera e hotelerisë.

Ministri i cili udhëheq me organin e administratës shtetërore kompetent për punët nga sfera e hotelerisë e përcakton formën dhe përmbajtjen e formularit të shenjës, nga paragrafi 1 i këtij neni.

Neni 53 –b

Që të mund të merret shenja nga neni 53-a paragrafi 1 i këtij ligji, objektet hoteliere për vendosje në kuadër të amvisërive të fshatit në mjedise rurale, duhet t’i plotësojnë këto kriterë:

1) kategorizim të realizuar në pajtim me nenin 47 të këtij ligji, me afat të pakaluar të vlefshmërisë;

2) gjatë rregullimit të jashtëm dhe të brendshëm të objektit hotelier, të përdoren materiale natyrore, si dhe motive nga kultura tradicionale, instrumente popullore, veshje, orendi-enë dhe të ngjashme dhe

3) ushqimet e nxehta dhe të ftohta, pijet që shërbehen të jenë nga vendi dhe të prodhuara në mënyrë ekologjike.

Mënyrën dhe kriteret më të përafërta për marrje të shenjës nga paragrafi 1 i këtij neni i përcakton ministri i cili udhëheq me organin e administratës shtetërore kompetent për punët nga sfera e hotelerisë.

Neni 53-v

Procedurën për marrje të shenjës nga neni 53-a të këtij ligji e zbaton Komisioni për zbatim të procedurës për marrje të shenjës për mjedise rurale (në tekst të mëtejme:Komisioni) i përbërë nga tre anëtarë, të cilët kanë zëvendës.

Komisionin e formon ministri i cili udhëheq me organin e administratës shtetërore kompetent për punët nga sfera e hotelerisë dhe është i përbërë nga një anëtar i organit të administratës shtetërore kompetent për punët nga sfera e hotelerisë, një anëtar nga dhomat turistike dhe një anëtar nga ekonomia hotelierike.

Anëtari nga organi i administratës shtetërore kompetent për punët nga sfera e hotelerisë në Komision është edhe kryetar i Komisionit.

Për procedurën e zbatuar Komisioni përpilon aktvendim në afat prej 30 ditësh nga dita e parashtrimit të kërkesës, nëse janë plotësuar kriteret të përcaktuara në pajtim me nenin 53-a të këtij ligji.

Aktvendimi nga paragrafi 4 të këtij neni lëshohet me vlefshmëri prej tre vitesh.

Kundër aktvendimit nga paragrafi 4 i këtij neni mund të parashtrohet ankesë në Komisionin Shtetëror për Vendimmarrje në Procedurë Administrative dhe Procedurë të Marrëdhënies së Punës në Shkallë të Dytë.

Shpenzimet për marrje të shenjës nga neni 53-a paragrafi 1 i këtij ligji i bart bartësi i amvisërisë së fshatit.

Lartësia e shpenzimeve nga paragrafi 7 të këtij neni i përcakton ministri i cili menaxhon me organin e administratës shtetërore kompetent për punët në sferën e hotelerisë, në bazë të shpenzimeve të bëra në mënyrë reale për punën e Komisionit dhe përgatitjen e aktvendimit.

Shpenzimet nga paragrafi 7 i këtij neni paguhen në llogarinë e të hyrave personale të organit të administratës shtetërore kompetent për punët nga sfera e hotelerisë.

Neni 53-g

Për marrje të shenjës nga neni 53-a paragrafi 1 të këtij ligji hotelieri parashtron kërkesë të dhënësi i shenjës.

Kërkesës nga paragrafi 1 të këtij neni i bashkëngjitet:

1) dokument për veprimtari të regjistruar-nga regjistri i personave fizikë që kryejnë veprimtari hoteliere që udhëhiqet në komunë dhe

2) aktvendim për kategorizimin e kryer.

Kërkesa nga paragrafi 2 të këtij neni parashtrohet në dy ekzemplarë identikë me një shtojcë të dëshmimeve.

Formën dhe përmbajtjen e ekzemplarit të kërkesës nga paragrafi 1 të këtij neni i përcakton ministri i cili udhëheq organin e administratës shtetërore kompetent për punët nga sfera e hotelerisë.

Neni 53-d

Organi i administratës shtetërore kompetent për punët nga sfera e hotelerisë mbanë Regjistër për marrjen e shenjës për mjedise rurale.

Ministri që udhëheq me organin e administratës shtetërore kompetent për punën nga sfera e hotelerisë i përcakton formën, përmbajtjen dhe mënyrën e mbajtjes së Regjistrit për marrjen e shenjës për mjedise rurale.

Neni 53-gj

Shenja nga neni 19-a paragrafi 1 të këtij ligji, hiqet me aktvendim të ministrit që udhëheq me organin e administratës shtetërore kompetent për punët nga sfera e hotelerisë, në rast kur bartësi i shenjës pushon t'i plotësojë kriteret e përcaktuara në pajtim me këtë ligji.

Kundër aktvendimit nga paragrafi 1 të këtij neni mund të parashtrohet ankesë në Komisionin Shtetëror për Vendimmarrje në Procedurë Administrative dhe Procedurë të Marrëdhënies së Punës në Shkallë të Dytë ".

Neni 11

Në nenin 58 paragrafi 1 fjalët: "me vëllim të vogël" shlyhen.

Pikat 2 dhe 3 shlyhen.

Neni 12

Në nenin 67-a paragrafi (1) ndryshohet si vijon:

"Gjobë në shumë prej 3 000 deri në 6 000 euro në kundërvlerë me denarë do t'i shqiptohet në vendin e ngjarjes për kundërvajtje personit fizik, nëse:

1) veprimtarinë e kryen pa qenë i regjistruar në regjistrin që e mban kryetari i komunës, ndërsa në Qytetin e Shkupit kryetari i komunës në rajonin e Qytetit të Shkupit (neni 4 paragrafi 2);

2) dhënien e dhomave, apartamenteve, shtëpive dhe banesave për pushim nuk e kryen përmes agjencive turistike dhe byrosë turistike në bazë të marrëveshjes (neni 48);

3) dhënien e shërbimeve hoteliere në shtëpi, apartamente dhe dhoma për pushim e kryen në kundërshtim me nenin 51 të këtij ligji;

4) shërbimet hoteliere në amvisëritë fshatare i kryen në kundërshtim me nenin 53 paragrafët 1 dhe 2 të këtij ligji;

5) jep me qira dhoma, apartamente, shtëpi për pushim, në kundërshtim me nenin 46 paragrafi 1 pika 1 të këtij ligji;

6) siguron shërbime të mëngjesit në kundërshtim me nenin 46 paragrafi 1 pika 3 të këtij ligji;

7) anëtari i amvisërisë ose personat të cilët u ndihmojnë anëtarëve të amvisërisë nuk i plotësojnë kushtet shëndetësore për punë në hotelieri në kuptim të nenit 52 paragrafi 2 i këtij ligji;

8) shfrytëzon shenjë pa aktvendim të marrë (neni 53-v paragrafi 5);

9) u ofron shërbime në vendankorime dhe porte, si dhe kur objekti lundruer qarkullon jashtë vendankorimit dhe portit, personave të cilët nuk gjenden në objektin lundruer për transport (neni 54 paragrafi 4);

10) në vend të dukshëm nuk e vendos emrin e shërbimeve, të cilat i ofron nga neni 51 paragrafi 1 pika 2 të këtij ligji;

11) nuk mban libër për evidencë të mysafirëve (neni 51 paragrafi 1 pika 5);

12) ofron shërbime në objekte lundruese për më shumë se 20 mysafirë njëkohësisht (neni 54 paragrafi 3);

13) objektet në të cilat ofrohen shërbime hoteliere të konfeksionuara, nuk i plotësojnë kushtet minimale-teknike dhe kushtet tjera të përcaktuara me ligj (neni 41 paragrafi 1);

14) shërbimet hoteliere të konfeksionuara kryhen në vende që nuk janë të miratuara nga kryetari i komunës, ndërsa në Qytetin e Shkupit nga kryetari i Qytetit të Shkupit (neni 41 paragrafi 2);

15) krahas ngrënieve në gjendje të konfeksionuar shërbehen edhe ngrënie tjera (neni 41 paragrafi 3) dhe

16) objektet për ofrimin e shërbimeve hoteliere nuk i plotësojnë kushtet minimale teknike nga neni 47 paragrafi 1 të këtij ligji.

Inspektori i autorizuar i komunës dhe inspektori i autorizuar i qytetit të Shkupit për kundërvajtjet e paragrafit 1 të këtij neni, është i detyruar kryerësit të kundërvajtjes t'i dorëzojë thirrje për pagesë të gjobës në afat prej tetë ditësh nga dita e dorëzimit të thirrjes.

Nëse kryerësi nuk e paguan vullnetarisht gjobën nga paragrafi 1 të këtij neni, inspektori i autorizuar i komunës dhe inspektori i autorizuar i qytetit të Shkupit për kundërvajtje parashtron kërkesë për ngritjen e procedurës për kundërvajtje në Komisionin për Kundërvajtje."

Neni 13

Në nenin 69 paragrafi 1 pas pikës 2 shtohen pikë e re 3, si vijon:

"3) shfrytëzon shenjë restorant nacional-mejhane pa aktvendim të marrë në pajtim me nenin 19-v paragrafi 4 të këtij ligji;"

Pikat 3, 4, 5, 6 dhe 7 bëhen pika 4, 5, 6, 7 dhe 8.

Pika 8 që bëhet pikë 9 ndryshohet si vijon:

"9) t'i mirëmbajë hapësirat dhe pajisjen dhe të ofrojë shërbime në objektin hotelier sipas kushteve të përcaktuara minimale-teknike, si dhe kushteve për kategorizimin për lloje të objekteve për të cilat është paraparë kategorizimi i përcaktuar me aktvendimin e Komisionit për kategorizim, ose sipas kriterëve të përcaktuara për shënim të llojeve të veçanta të objekteve hoteliere për të cilat është paraparë lëshimi i shenjave të posaçme me aktvendim të dhënësit të shenjës (neni 35 paragrafi 1 pika 1);"

Pikat 9, 10, 11 dhe 12 bëhen pika 10, 11, 12 dhe 13.

Neni 14

Autorizohet Komisioni Juridik Ligjvënës i Kuvendit të Republikës së Maqedonisë që të përcaktojë tekst të spastruar të Ligjit për veprimtari hoteliere.

Neni 15

Ky ligj hyn në fuqi në ditën e tetë nga dita e botimit në "Gazetën Zyrtare e Republikës së Maqedonisë".